



আবলম্বে প্রকাশের উদ্দেশ্যে: 7/19/2024

গভর্নর ক্যাথি হোকল

গভর্নর হোকল সিরাকিউস সিটিতে রূপান্তরমূলক I-81 ভায়াডাক্ট প্রকল্পের জন্য চতুর্থ
নির্মাণ চুক্তির পুরস্কার ঘোষণা করলেন

*কমিউনিটি গ্রিডে নির্মাণ কাজ শুরু হয়েছে, শহরের হাসপাতাল, কর্মসংস্থান কেন্দ্র এবং
শিক্ষা প্রতিষ্ঠানে যানজট কমিয়েছে*

*শহর এবং কাউন্টির ড্রেনেজ সিস্টেমে প্রধান আপগ্রেড শুরু হয়েছে, যা পানির গুণমান
উন্নত করছে এবং ওনোনডাগা হ্রদকে রক্ষা করছে*

গভর্নর ক্যাথি হোকল আজ রূপান্তরমূলক ইন্টারস্টেট 81 (I-81) ভায়াডাক্ট প্রকল্পের জন্য চতুর্থ
নির্মাণ চুক্তির পুরস্কার ঘোষণা করেছেন। CNY অ্যালায়েন্সকে 313.5 মিলিয়ন মার্কিন ডলারের
চুক্তির পুরস্কারটি পুরনো 15 তম ওয়ার্ডের আশেপাশে সিরাকিউসের পূর্বদিকের রাস্তায়
কমিউনিটি গ্রিডে নির্মাণ শুরু করবে। কমিউনিটি গ্রিডটি ডাউনটাউন সিরাকিউসে এলিভেটেড
হাইওয়েকে প্রতিস্থাপন করবে এবং শহরের বিদ্যমান ট্রাফিক জ্যাম চ্যালেঞ্জ থেকে মুক্তি দেবে,
পাশাপাশি ইন্টারস্টেট হাইওয়ে নেটওয়ার্ক এবং মূল গন্তব্যের দিকে যাওয়া এবং আসার উন্নতি
ঘটাতে, যার মধ্যে রয়েছে ডাউনটাউন ব্যবসায়িক জেলা, এলাকার হাসপাতাল এবং উচ্চ শিক্ষা
প্রতিষ্ঠান।

"আমি ভুলে যাইনি যে কমিউনিটি গ্রিড নির্মাণের পরবর্তী কেন্দ্রবিন্দু ছিল একসময় কৃষ্ণাঙ্গ এবং
ইহুদি পরিবারের একটি সমৃদ্ধশালী সম্প্রদায়, যা তাদের এলাকার কেন্দ্রস্থলে I-81 তৈরি করার
সময়ে ছিন্নভিন্ন হয়ে গিয়েছিল," **গভর্নর হোকল বলেন।** "যদিও এই বিন্দুতে পৌঁছাতে 60
বছরেরও বেশি সময় লেগেছে, আমরা অতীতের ভুলগুলি সংশোধন করছি, আশেপাশের
এলাকাগুলিকে আবার সংযুক্ত করছি এবং সেন্ট্রাল নিউ ইয়র্কে অন্তর্ভুক্তি এবং সমতার জন্য
নতুন সুযোগ প্রদান করছি।"

আটটি পৃথক চুক্তির সমন্বয়ে গঠিত, I-81 ভায়াডাক্ট প্রকল্পের চতুর্থ চুক্তি ইউনিভার্সিটি হিলের
সাথে সরাসরি সংযোগ প্রদানের উপর দৃষ্টি নিবদ্ধ করে, যা সিরাকিউসের ব্যস্ততম কর্মসংস্থান,
চিকিৎসা এবং উচ্চ শিক্ষা করিডোর। 20,000-এরও বেশি কর্মচারী, রোগী এবং শিক্ষার্থী শহরের
যেকোন একটি হাসপাতাল, কলেজ বা বিশ্ববিদ্যালয়ে কাজ, অ্যাপয়েন্টমেন্ট বা ক্লাসের জন্য
পাহাড়ের দিকে যায়।

চতুর্থ চুক্তির অংশ হিসেবে, ক্রাউস অ্যাভিনিউতে পশ্চিমমুখী I-690 বরাবর একটি নতুন ইন্টারচেঞ্জ নির্মাণ করা হবে, যা আপস্টেট ইউনিভার্সিটি হাসপাতাল, ক্রাউস হাসপাতাল, VA সিরাকিউজ হেলথকেয়ার সিস্টেম, SUNY আপস্টেট মেডিকেল ইউনিভার্সিটি, SUNY কলেজ অফ এনভায়রনমেন্টাল সায়েন্স অ্যান্ড ফরেস্ট্রি, সিরাকিউজ ইউনিভার্সিটি, বা JMA ওয়্যারলেস ডোম এর দিকে গামী সেন্ট্রাল নিউ ইয়র্কের যাত্রীদের জন্য একটি অতিরিক্ত অ্যাক্সেস পয়েন্ট তৈরি করবে। ট্রাফিক বৃদ্ধির সাথে সামঞ্জস্য করার জন্য, ক্রাউস অ্যাভিনিউকে দুই থেকে তিন লেনে প্রসারিত করা হবে, যেখানে দুটি লেন উত্তরমুখী এবং একটি লেন দক্ষিণমুখী হবে।

উপরন্তু, ইউনিভার্সিটি হিলের দিকে ট্রাফিকের ব্যবস্থা করার জন্য আরভিং অ্যাভিনিউকে পুনর্গঠন করা হবে। বর্তমানে, আরভিং অ্যাভিনিউ পূর্ব ফায়েট স্ট্রিটে শেষ হয়, কিন্তু চুক্তি চারের অংশ হিসাবে, রাস্তাটি ইরি বুলেভার্ড ইস্ট পর্যন্ত প্রসারিত করা হবে। রাস্তাটি দুই থেকে তিন লেনে প্রসারিত করা হবে - দুই লেন দক্ষিণমুখী, এবং একটি লেন উত্তরমুখী। ইরি বুলেভার্ড ইস্ট বর্ধিত আরভিং অ্যাভিনিউ থেকে পূর্বমুখী I-690 বরাবর একটি নতুন আদান-প্রদান ভবিষ্যতের চুক্তি ছয়ে নির্মিত হবে, যা পাহাড়ের উপরে উঠা শহরতলির যাত্রীদের জন্য একটি দ্বিতীয় অ্যাক্সেস পয়েন্ট প্রদান করবে।

ক্রাউস এবং আরভিং অ্যাভিনিউ-এ নতুন ইন্টারচেঞ্জগুলি বর্তমানে হ্যারিসন/অ্যাডামস ইন্টারচেঞ্জ উত্তরমুখী এবং দক্ষিণমুখী I-81 বরাবর ব্যাকআপের ফলে সৃষ্ট যানজট থেকে মুক্তি দেবে। উপরন্তু, নতুন অ্যাক্সেস পয়েন্টগুলি ইউনিভার্সিটি হিলগামী যাত্রীদের আগমনের কারণে আমল্ড স্ট্রিট (ভবিষ্যতের বিজনেস লুপ 81) বরাবর বাধা দূর করবে।

চতুর্থ চুক্তির কাজের মধ্যে রয়েছে সিরাকিউস এবং ওনোন্ডাগা কাউন্টিগুলির ড্রেনেজ সিস্টেমের বড় আপগ্রেড শুরু করা, ঝড়ের পানি এবং স্যানিটারি নর্দমা প্রবাহকে আলাদা করা। প্রায় 2,200 রৈখিক ফুট, প্রায় অর্ধ মাইল, ড্রেনেজ ট্রাঙ্ক লাইন ইরি বুলেভার্ড ইস্ট, আমল্ড স্ট্রিট এবং ইউনিভার্সিটি অ্যাভিনিউর মধ্যে, শহরের বৃষ্টির পানির প্রবাহ এবং পয়ঃপ্রবাহকে আলাদা করে স্থাপন করা হবে। ঝড়ের জল ওনোন্ডাগা ক্রিকে চলে যাবে এবং পয়ঃনিষ্কাশন রাসায়নিক ট্রিটমেন্টের জন্য ওনোন্ডাগা কাউন্টির বর্জ্য জল শোধনাগারের দিকে যাবে।

বর্তমানে, শহর এবং কাউন্টির ঝড়ের পানির প্রবাহ এবং পয়ঃনিষ্কাশন ব্যবস্থা একত্রিত করা আছে, ওনোন্ডাগা কাউন্টির বর্জ্য পানি ট্রিটমেন্ট সুবিধার দিকে প্রবাহিত হচ্ছে যেখানে এটি রাসায়নিকভাবে শোধন করা হয় এবং পরিষ্কার পানিতে পরিণত হয়। স্যানিটারি পয়ঃনিষ্কাশন থেকে বৃষ্টির পানিকে আলাদা করার ফলে, এটি সিস্টেমে নর্দমা প্রবাহের পরিমাণ হ্রাস করে, ওভারলোডিং প্রতিরোধ করে এবং ট্রিটমেন্টের জন্য প্রয়োজনীয় রাসায়নিকের পরিমাণ হ্রাস করে।

প্রকল্পের ফলে শহরের ড্রেনেজ সিস্টেম থেকে মোট 20 থেকে 30 মিলিয়ন গ্যালন সম্মিলিত নর্দমা ওভারফ্লো অপসারণ করা হবে, যা ওনোন্ডাগা কাউন্টি ডিপার্টমেন্ট অফ ওয়াটার এনভায়রনমেন্টাল প্রোটেকশনের (Onondaga County Department of Water Environmental Protection) নর্দমা ব্যবস্থাকে আলাদা করার অব্যাহত প্রচেষ্টাকে সমর্থন করে, যা ওনোন্ডাগা লেক

এবং ওনোন্ডাগা ক্রিক পরিষ্কার করার জন্য পরিবেশ সংরক্ষণ বিভাগের (Department of Environmental Conservation) সাথে সুবিধার সম্মতির আদেশকে সহায়তা করে।

চতুর্থ চুক্তির অতিরিক্ত উপাদানের মাঝে অন্তর্ভুক্ত:

- ক্রাউস অ্যাভিনিউতে নতুন ইন্টারচেঞ্জ এবং আরভিং অ্যাভিনিউতে ভবিষ্যৎ ইন্টারচেঞ্জের ফলে I-690 এর পুনর্নির্মাণ।
- ইন্টারস্টেটের সাথে সারিবদ্ধ হওয়ার জন্য লোদি স্ট্রিট এবং ক্রাউস অ্যাভিনিউয়ের উপর I-690 বরাবর দুটি সেতু প্রতিস্থাপন।
- ইরি বুলেভার্ড, বার্নেট এবং ওয়ালনাট অ্যাভিনিউ; ইস্ট ফায়েট, ক্যানেল, লোদি এবং ইস্ট ওয়াটার স্ট্রিটের অংশগুলি সহ চুক্তি 4 কর্তৃক নির্ধারিত পরিবর্তনগুলিকে সামঞ্জস্য করার জন্য সাতটি অতিরিক্ত শহরের রাস্তার পুনর্নির্মাণ এবং রিসারফেসিং;
- আমেরিকানস উইথ ডিজ্যাভিলিটিস অ্যাক্ট (Americans with Disabilities Act, ADA) অ্যাক্সেসযোগ্য পথচারী এবং সাইকেল আরোহীদের সুবিধাদি নির্মাণের মাধ্যমে সব বয়সের এবং কৃষমতার জন্য করিডোরের বর্ধিত নিরাপত্তা, গতিশীলতা এবং অ্যাক্সেস, যার মধ্যে নির্ধারিত বাইক লেন, শেয়ার্ড ইউজ পাথ, নতুন ফুটপাথ এবং পথচারীদের খুঁটি সহ ক্রসওয়াক রয়েছে।
- মোড়ে উন্নত নিরাপত্তা এবং ট্রাফিক প্রবাহ, যানবাহনকে লাল বাতি থাকা অবস্থায় গাড়ি চালানো থেকে বিরত রাখতে নতুন ট্রাফিক ভিডিও সনাক্তকরণ সংকেতগুলির সাথে মাস্ট আর্ম পোল।
- সদ্য বর্ধিত আরভিং অ্যাভিনিউ বরাবর অন-স্ট্রিট পার্কিং-এ অ্যাক্সেস।
- ক্রাউস অ্যাভিনিউ, টিল অ্যাভিনিউ এবং মিডলার অ্যাভিনিউ চৌরাস্তা সংলগ্ন আটটি স্থানে I-690 বরাবর শব্দ বাধা স্থাপন।

এক বছর আগে এই মাসে, গভর্নর হোকল, ফেডারেল, স্টেট এবং স্থানীয় নেতৃবৃন্দের সাথে I-81 ভায়াডাক্ট প্রকল্পের ভিত্তি প্রস্তর স্থাপন করেছিলেন। চুক্তি এক এবং দুইয়ে বড় নির্মাণ চলছে যা টেনেসি থেকে কানাডিয়ান সীমান্ত পর্যন্ত জাতীয় এবং আন্তর্জাতিক উত্তর-দক্ষিণ বাণিজ্য রুটের সাথে একটি উচ্চ-গতির ইন্টারস্টেট সংযোগ বজায় রাখার জন্য অপরিহার্য। একসাথে, প্রথম দুটি চুক্তি বিদ্যমান I-81/I-481 উত্তর ও দক্ষিণের ইন্টারচেঞ্জকে BL 81 এবং I-81-এ পুনর্নির্মাণে ফোকাস করে।

এই বছরের মে মাসে, উত্তর দিকের শহরের রাস্তায় এবং ইনার হারবারে নির্মাণ কাজ বৃদ্ধি সহ, তৃতীয় চুক্তিটি প্রদান করা হয়েছিল। কাজের মধ্যে তিনটি প্রতিস্থাপন ব্রিজ রয়েছে যা উত্তর দিককে ইনার হারবার, ভবিষ্যতের বিজনেস লুপ 81 বরাবর উত্তর ক্লিনটন স্ট্রিটে একটি নতুন এবং উন্নত দক্ষিণমুখী ইন্টারচেঞ্জ এবং একটি পুনর্গঠিত উত্তর ক্লিনটন স্ট্রিটকে সাথে সংযুক্ত করে যাতে পথচারী এবং সাইকেল চালকের সুবিধা অন্তর্ভুক্ত থাকবে।

I-81 ভায়াডাক্ট প্রকল্প হল নিউ ইয়র্ক স্টেটের অবকাঠামো আধুনিকীকরণের জন্য গভর্নর হোকলের অভূতপূর্ব প্রতিশ্রুতির অংশ এবং স্টেট জুড়ে সম্প্রদায়ের জন্য সমতা, সংযোগ, এবং মাল্টি-মোডাল পরিবহনের সুযোগের প্রচার করে এমন প্রকল্পে বিনিয়োগ। 2022 সালে গৃহীত 33 বিলিয়ন মার্কিন ডলারের NYS DOT ক্যাপিটাল প্ল্যান একটি আধুনিক পরিবহন ব্যবস্থার জন্য গভর্নরের দূরদর্শিতা পূরণ করতে সাহায্য করে যা স্টেট জুড়ে নিউ ইয়র্কবাসীদের পরিষেবা প্রদান করে। প্রকল্পটিতে ফেডারেল ও স্টেট সংস্থান মিশিয়ে অর্থায়ন করা হবে।

নিউ ইয়র্ক স্টেট পরিবহন বিভাগের কমিশনার ম্যারি টেরেস ডমিনগুয়েজ বলেছেন, "I-81 ভায়াডাক্ট নির্মাণের মাধ্যমে বিচ্ছিন্ন ঐতিহাসিক 15 তম ওয়ার্ডে নির্মাণ শুরু হওয়ার সাথে সাথে, আমরা সেই কাঠামোটিকে ভেঙে ফেলার এক ধাপ কাছাকাছি চলেছি যা প্রজন্মের পর প্রজন্মের ধরে ব্যথা এবং জন্য কষ্ট দিয়েছে এবং সেন্ট্রাল নিউ ইয়র্কের বাসিন্দাদের আশা পুনরুদ্ধার করতে শুরু করেছে। এই প্রকল্পটি, যা সম্প্রদায়ের দ্বারা চালিত হয়েছিল, একটি নতুনভাবে কল্পিত পরিবহণ পরিকাঠামো যা করতে পারে তার একটি অনুস্মারক - জীবনযাত্রার মান উন্নত করা, জননিরাপত্তা উন্নত করা এবং স্থানীয় অর্থনৈতিক উন্নয়নকে সহজতর করা।"

সিনেটের সংখ্যাগরিষ্ঠ নেতা চার্লস শুমার বলেন, "দ্বিপক্ষীয় অবকাঠামো এবং চাকরির আইনের কল্যাণে (Bipartisan Infrastructure & Jobs Law), আমরা এখন পুরস্কৃত চতুর্থ চুক্তির সাথে সিরাকিউসের I-81 রূপান্তরকে ত্বরান্বিত করছি, যা আমাদেরকে একটি উজ্জ্বল ভবিষ্যতের সাথে সিরাকিউসকে আরও ভালভাবে সংযুক্ত করতে কমিউনিটি গ্রিড বাস্তবায়নের শহরের স্বপ্নের এক ধাপ কাছে নিয়ে এসেছে। এই চুক্তিটি শহরের পানির অবকাঠামো উন্নত করতে সাহায্য করবে, শহরের কেন্দ্রস্থলে যানজট দূর করবে এবং সিরাকিউজের ঐতিহাসিক 15 তম ওয়ার্ডকে ইউনিভার্সিটি হিলের সাথে সংযুক্ত করবে, হাজার হাজার লোকের জন্য কাজ, স্কুল, ডাক্তারদের অ্যাপয়েন্টমেন্ট এবং আরও অনেক কিছুতে যাতায়াত করা সহজ করবে," বলেন সিনেটর শুমার। "এই প্রকল্পটির কথাই আমি ভেবেছিলাম যখন আমি দ্বিপক্ষীয় অবকাঠামো ও চাকরির আইন পাসে নেতৃত্ব দিয়েছিলাম, এবং আমি গর্বিত এই উল্লেখযোগ্য 313 মিলিয়ন মার্কিন ডলারের চুক্তিটি সম্প্রদায়ের সাথে পুনরায় সংযোগ করতে এবং ভালো বেতনের নির্মাণ কাজ তৈরি করতে সিরাকিউসে বিনিয়োগ করা হবে। সিরাকিউসের প্রাপ্য আরও ভালো, উজ্জ্বল ভবিষ্যত গড়ে তোলার জন্য এই ফেডারেল তহবিলটি ভালোভাবে ব্যবহারের জন্য গভর্নর হোকলের অংশীদারিত্বের জন্য আমি কৃতজ্ঞ।"

সিনেটর কির্স্টেন জিলিব্র্যান্ড বলেছেন, "এটি রূপান্তরমূলক I-81 ভায়াডাক্ট প্রকল্পের জন্য আরেকটি গুরুত্বপূর্ণ পদক্ষেপ, যা নিউ ইয়র্ক স্টেটের পরিবহন বিভাগের (New York State Department of Transportation, NYS DOT)-এর ইতিহাসে সবচেয়ে বড়। এই চুক্তি পুরস্কারের মাধ্যমে কমিউনিটি গ্রিডে নির্মাণ কাজ শুরু হতে দেখে আমি অত্যন্ত উত্তেজিত, যা সিরাকিউসের পূর্বদিকের যানজট কমিয়ে দেবে। I-81 ভায়াডাক্ট প্রজেক্ট সিরাকিউসের উত্তর দিকে এবং ইনার হারবার এলাকায় অবকাঠামো এবং সড়ক নিরাপত্তায় দীর্ঘ-কাল্পিত উন্নতি আনবে এবং সিরাকিউসকে পুনরুজ্জীবিত করতে এবং পুনরায় সংযোগ করতে সাহায্য করার জন্য প্রয়োজনীয় সংস্থানগুলি সুরক্ষিত করার জন্য লড়াই করতে পেরে আমি গর্বিত।"

স্টেট সিনেটর জন ডব্লিউ. ম্যানিয়ন বলেছেন, "I-81-এর পুনঃকল্পনা সিরাকিউস এবং এর আশেপাশে স্মার্ট বৃদ্ধিকে উত্সাহিত করার সাথে সাথে 15 তম ওয়ার্ডে অ্যাক্সেসযোগ্যতা বাড়াবে, যানজট এবং বায়ু দূষণ কমিয়ে দেবে। চতুর্থ নির্মাণ চুক্তি প্রদানের সাথে মাইলফলক সহ আরেকটি I-81 অর্জনের জন্য আমি গভর্নর হোকল এবং তার দলকে সাধুবাদ জানাই - সেন্ট্রাল নিউ ইয়র্কের জন্য আরও ভালো-সংযুক্ত এবং স্বাস্থ্যকর ভবিষ্যতের দিকে আরও একটি বড় পদক্ষেপ।"

স্টেট সিনেটর র্যাচেল মে বলেছেন, "মাটিতে বেলচা এবং I-81 প্রকল্প চলমান দেখে খুবই ভালো লাগছে। যেহেতু সর্বশেষ চুক্তি প্রদান করা হয়েছে, আমাদের সম্প্রদায়ে পুনঃবিনিয়োগ চালিয়ে যেতে হবে এবং নিশ্চিত করতে হবে যে ভায়াদাক্ট দ্বারা নেতিবাচকভাবে প্রভাবিত ব্যক্তির প্রকল্পের উচ্চ-মানের চাকরি এবং ডিজাইনের উন্নতি থেকে উপকৃত হবেন। সিরাকিউসকে একটি উজ্জ্বল ভবিষ্যতের দিকে নিয়ে যেতে এই রূপান্তরে আমাদের সক্রিয় ভূমিকা পালন করা অত্যন্ত গুরুত্বপূর্ণ। গভর্নর হোকলের নেতৃত্ব অতীব গুরুত্বপূর্ণ ছিল, এবং তাদের অমূল্য সমর্থনের জন্য আমার সহকর্মীদের ধন্যবাদ জানাই।"

অ্যাসেম্বলি সদস্য পামেলা হান্টার বলেছেন, "পরিবর্তনমূলক I-81 ভায়াদাক্ট প্রকল্পের জন্য চতুর্থ নির্মাণ চুক্তির গভর্নর হোকলের ঘোষণা সিরাকিউস শহরের জন্য একটি উল্লেখযোগ্য মাইলফলক চিহ্নিত করে। এই 313.5 মিলিয়ন মার্কিন ডলারের বিনিয়োগ শুধুমাত্র যানজট দূর করবে না বরং কমিউনিটি গ্রিড দিয়ে এলিভেটেড হাইওয়ে প্রতিস্থাপন করে আমাদের সম্প্রদায়গুলিকে পুনরায় সংযুক্ত করবে। ডাউনটাউনের ব্যবসায়িক জেলা, এলাকার হাসপাতাল এবং উচ্চ শিক্ষা প্রতিষ্ঠানের মতো গুরুত্বপূর্ণ গন্তব্যগুলিতে অ্যাক্সেস উন্নত করার মাধ্যমে, এই প্রকল্পটি বাসিন্দাদের জীবনযাত্রার মানকে ব্যাপকভাবে উন্নত করবে এবং আমাদের শহরের অর্থনৈতিক জীবনীশক্তিকে সমর্থন করবে। সিরাকিউসকে পুনরুজ্জীবিত করার এবং আমাদের সম্প্রদায়ের অবকাঠামোগত চাহিদাগুলিকে সমাধান করার জন্য আমি গভর্নর হোকলকে তার প্রতিশ্রুতির জন্য প্রশংসা করি।"

সিরাকিউসের মেয়র বেঞ্জামিন ওয়ালশ বলেছেন, "আমি রোমাঞ্চিত যে I-81 ভায়াদাক্ট প্রকল্প চলছে এবং কমিউনিটি গ্রিডে কাজ শুরু হচ্ছে গ্রিড পথচারী, সাইকেল চালক এবং গাড়ি চালকদের গতিশীলতা এবং অ্যাক্সেস বাড়াবে এবং সর্বোপরি, আমাদের আশেপাশের এলাকা এবং বাসিন্দাদের পুনরায় সংযোগ করবে," মেয়র ওয়ালশ বলেছেন। "প্রকল্পটি জীবনের মান উন্নত করবে এবং সমস্ত সিরাকিউস এলাকায় অর্থনৈতিক সুযোগ বাড়াবে, বিশেষ করে ভায়াদাক্টের ছায়ায় বসবাসকারী লোকেদের জন্য যারা অর্ধ শতাব্দীরও বেশি সময় ধরে I-81 দ্বারা ক্ষতিগ্রস্ত হয়েছিল। আমি গভর্নর হোকল, কমিশনার ডোমিনগুয়েজ এবং NYSDOT টিমকে এই রূপান্তরমূলক প্রকল্পে তাদের অব্যাহত সমর্থনের জন্য ধন্যবাদ জানাই।"

পূর্বে Twitter হিসাবে পরিচিত, X-এ I-81 ভায়াদাক্ট প্রকল্প অনুসরণ করুন: @NYSDOTI81
ফেসবুকে আমাদের খুঁজে পাবেন এই ঠিকানায় [facebook.com/NYSDOTI81](https://www.facebook.com/NYSDOTI81)।

পরিবহন দপ্তর সম্পর্কে

নিউ ইয়র্ক স্টেটের পরিবহন দপ্তরের লক্ষ্য হলো এমন একটি নিরাপদ, নির্ভরযোগ্য, ন্যায্য এবং

প্রাণবন্ত পরিবহন ব্যবস্থা প্রদান করা যা সম্প্রদায়সমূহকে সংযুক্ত করে, জীবনযাত্রার মান উন্নত করে, পরিবেশের সুরক্ষা করে, এবং নিউ ইয়র্ক স্টেটের অর্থনৈতিক কল্যাণকে সমর্থন করে।

এটি জীবনের প্রশ্ন; গতি ধীর করুন এবং হাইওয়ের কর্মীদের জন্য সরে যান!

আরও তথ্যের জন্য, আমাদেরকে [ফেসবুক \(Facebook\)](#)-এ খুঁজুন, [এক্স \(X\)](#) বা [ইনস্টাগ্রাম \(Instagram\)](#)-এ ফলো করুন, অথবা আমাদের [ওয়েবসাইটে](#) ভিজিট করুন। সর্বশেষ যাতায়াতের তথ্যের জন্য 511 এ ফোন করুন, www.511NY.org ভিজিট করুন বা বিনামূল্যে 511NY মোবাইল অ্যাপ ডাউনলোড করুন।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)